

**SKIJAŠKI/SMUČARSKI SAVEZ  
BOSNE I HERCEGOVINE**



**PRAVILNIK  
O DJEČIJIM SKIJAŠKIM TAKMIČENJIMA  
ALPSKO SKIJANJE**

**SEZONA 2017/2018**

**Novembar, 2017. godine**

## SADRŽAJ:

1.	UVODNE ODREDBE.....	4
2.	ORGANIZACIJA.....	4
2.1.	Kriteriji za tehničkog organizatora .....	4
2.2.	Obaveze tehničkog organizatora.....	5
2.3.	Žiri takmičenja .....	5
2.3.1.	Tehnički delegat (TD).....	6
2.3.2.	Šef takmičenja .....	6
2.3.3.	Glavni sudija .....	7
2.4.	Ostala službena lica .....	7
2.4.1.	Šef staze.....	7
2.4.2.	Sudija na startu.....	7
2.4.3.	Sudija na cilju .....	7
2.4.4.	Šef sudija .....	7
2.4.5.	Šef mjerenja i obrade rezultata .....	7
2.4.6.	Sekretar takmičenja.....	8
2.4.7.	Šef medicinskog osoblja i službe spašavanja.....	8
2.4.8.	Postavljači staze.....	8
2.4.9.	Predvozači .....	8
2.5.	Troškovi organizacije .....	9
2.6.	Rokovi .....	9
2.7.	Prijava takmičara i pravo nastupa .....	9
3.	PRAVILA TAKMIČENJA .....	10
3.1.	Raspis i prijava takmičara .....	10
3.2.	Sastanci vođa ekipa .....	10
3.3.	Žrijebanje i redoslijed starta takmičara.....	11

3.4.	Mjerenje vremena .....	11
3.5.	Obrada rezultata.....	11
3.6.	Bodovanje takmičara.....	11
3.7.	Protesti .....	11
3.8.	Nagrade i priznanja.....	12
3.9.	Proglašenje rezultata i pobjednika.....	12
3.10.	Protesti, diskvalifikacije i žalbe.....	12
3.11.	Kategorije .....	13
3.12.	Takmičarska oprema .....	13
3.13.	Homologacija staza.....	13
4.	POSEBNA PRAVILA ZA SLALOM .....	14
4.1.	POSEBNA PRAVILA ZA SLALOM OKO JEDNOG KOLCA .....	16
4.2.	POSEBNA PRAVILA ZA SLALOM SA STUBBIE KOLCIMA.....	16
5.	POSEBNA PRAVILA ZA VEESLALOM .....	16
5.1.	POSEBNA PRAVILA ZA VEESLALOM OKO JEDNOG KOLCA .....	17
6.	POSEBNA PRAVILA ZA SUPER VEESLALOM .....	17
7.	POSEBNA PRAVILA ZA KOMBINIRANA TAKMIČENJA.....	18
8.	ISPRAVAN PROLAZ KROZ VRATA (OBJAŠNJENJE) .....	20
9.	DOPUNSKE ODREDBE .....	20
10.	ZAVRŠNE ODREDBE .....	20
	PRILOG A- PRAVILA BODOVANJA ZA BIH BODOVE.....	21
	PRILOG B- TABELA KONTROLE OPREME, PRAVILA I PREPORUKA .....	22

# 1. UVODNE ODREDBE

Ovaj Pravilnik se odnosi na takmičenja u Alpskog kupa BiH u sklopu kojeg je i Državno prvenstvo Bosne i Hercegovine.

Takmičenja se odnose na kategorije: U8,U10,U12,U14 i U16.

Takmičenja se boduju prema plasmanu pojedinaca, radi utvrđivanja ukupnog pojedinačnog plasmana i najuspješnijeg kluba na kraju sezone.

Kategorija U8 se ne boduje i za tu kategoriju je potrebno prilagoditi poligone.

Važeći Pravilnik sa priložima i formularima, kao i rezultati takmičenja te ukupnog poretka službeno će se objaviti na web stranici Skijaškog saveza BiH [www.skibih.ba](http://www.skibih.ba).

## 2. ORGANIZACIJA

Organizator BiH Kupa u alpskom skijanju je Skijaški savez BiH (u daljem tekstu SSBiH).

Alpska komisija je odgovorna za provedbu i kontrolu takmičenja od strane SSBiH.

Tehnički organizator pojedinog takmičenja iz kalendara Kupa BiH može biti: entitetski savez, kantonalni savez, skijaški klubovi koji su registrovani u SSBiH, a na osnovu ispunjenja kriterijuma za tehničkog organizatora.

### 2.1. *Kriteriji za tehničkog organizatora*

Tehnički organizator je dužan organizovati takmičenje u skladu sa ovim Pravilnikom, kao i važećim međunarodnim pravilima.

Međusobne obaveze i odgovornosti SSBiH i Tehničkog organizatora iz ovog Pravilnika se definišu Ugovorom između Skijaškog saveza BiH i tehničkog organizatora koji je sastavni dio ovog Pravilnika.

Tehnički organizator mora podnijeti zahtjev Ski savezu BiH za organizaciju takmičenja do 15.10. tekuće godine u kome obavezno treba naznačiti datum održavanja i rezervni datum (konkretan datum određuje Ski savez BiH), naziv takmičenja, disciplinu.

Tehnički organizator mora obezbjediti tehničke preduslove za organizaciju takmičenja: odgovarajuću stazu (odobrenu od strane alpske komisije), vertikalni transport i ostalu neophodnu opremu.

Tehnički organizator ne smije biti pod suspenzijom izrečenom od strane SS BiH.

Tehničkom organizatoru mora biti odobren termin za održavanje takmičenja.

Tehnički organizator je dužan potpisati ugovor o organizovanju takmičenja sa SS BiH.

Ukoliko tehnički organizator ne ispuni svoje obaveze, navedene u ovom Pravilniku prilikom takmičenja, Upravni odbor SSBiH na prijedlog Alpske komisije može oduzeti pravo kandidovanja za organizaciju takmičenja u idućoj sezoni.

Organizaciju takmičenja tehničkog organizatora ocjenjuju tehnički delegati SS BiH i Alpska komisija.

## 2.2. Obaveze tehničkog organizatora

A) Tehnički organizator se obavezuje da će obaviti pravovremene pripreme za nesmetano održavanje takmičenja i to:

- Pravovremeno uputiti Raspis takmičenja, najmanje 72 sata prije prvog sastanka, svim registrovanim klubovima u BiH,
- Osigurati prostor prikladan za sastanak vođa ekipa i žrijebanje,
- Obezbijediti adekvatan prostor i opremu u blizini staze u kome će se vršiti obrada rezultata,
- Obezbijediti elektronsko mjerenje vremena i obradu podataka,
- Obezbijediti vrijeme i stazu za zagrijavanje prije takmičenja,
- Obezbijediti ulazak u prostor takmičenja (start, cilj) i to samo službenim licima i učesnicima takmičenja,
- Obezbijediti vertikalni transport na dan takmičenja,
- Obezbijediti medalje za tri prvoplasirana, i diplome za 5 prvoplasiranih takmičara osim za Državno prvenstvo,
- Obezbijediti adekvatan prostor i uslove za ceremoniju dodjele nagrada.

B) Tehnički organizator određuje sljedeća službena lica:

- Šefa trke,
- Sekretara trke,
- Šefa staze,
- Sudije na startu i cilju,
- Šefa sudija na vratima,
- Maksimalno 80 % sudija na vratima,
- Dovoljan broj predvozača (1 – 3), koji ne smiju biti takmičari tog dana i koji moraju biti u mogućnosti obaviti svoju dužnost kao i dati ocjenu postavljene staze,
- Šefa medicinskog osoblja i službe spašavanja,
- Ekipu za održavanje staze (minimum 8),
- Redarsku službu (minimum 5),

C) Tehnički organizator obezbjeđuje sljedeću tehničku opremu:

- dovoljan broj kapija (ø27 – za mlađe kategorije),
- zastavice,
- startne brojeve,
- zaštitnemreže (B i C),
- markere za sudije, ekipu za održavanje staze i redarsku službu,
- startni ciljni šator,
- minimalno 6 radiostanica,
- 3 ključa za kapije,
- 1 bušilica 24V,
- 2 bušilice 12V,
- ručni semafor,
- postolje za proglašenje pobjednika,
- dovoljno alata za održavanje staze.

## 2.3. Žiri takmičenja

Takmičenje vodi žiri takmičenja u sastavu:

- a) Tehnički delegat (TD) SS BiH - imenuje SS BiH
- b) Šef takmičenja - imenuje tehnički organizator

c) Glavni sudija - Imenuju TD i Šef takmičenja dogovorno na prvoj sjednici vođa ekipa iz redova iskusnijih trenera ili prisutnih TD-a SS BiH.

TD rukovodi radom žirija i ima pravo donošenja konačne odluke.

### 2.3.1. Tehnički delegat (TD)

Tehničkog delegata imenuje SS BiH na prijedlog Alpske komisije. Tehnički delegat je dužan da obavjesti SS BiH ukoliko nije u mogućnosti da obavlja svoju dužnost u sezoni. O eventualnim promjenama delegiranja TD-a mora obavjestiti SS BiH ili tehnički organizator.

#### ➤ Dužnosti i prava TD-a

- Pregleda dokumentaciju o homologaciji staze, te ukoliko utvrdi da ne postoji homologacija, dužan je o tome obavjestiti Alpsku komisiju,
- Čita izvještaje TD-a o prethodnim takmičenjima, te provjerava da li su izvršena predložena poboljšanja
- Pomaže u izvršavanju administrativnih zadataka prilikom pripreme takmičenja,
- Provjerava službene prijave,
- Prisutan je na stazi tokom svih treninga i trka,
- Sudjeluje u svim sastancima žirija i vođa ekipa,
- Usko saraduje sa članovima Organizacionog odbora,
- Usko saraduje sa vođama ekipa i trenerima,
- Nadgleda poštivanje svih važećih pravila i uputa, koja se odnose na reklamiranje, na takmičarskoj opremi i odjeći,
- Pomaže i savjetuje organizaciju u smislu poštivanja pravila,
- Kažnjava sve povrede pravila u administrativnom smislu,
- Provjerava rezultate trke i ukupni poredak BiH Kupa nakon takmičenja, te potpisuje rezultate, čime isti postaju zvanični,
- Zajedno sa ostalim članovima žirija rješava žalbe i proteste,
- Dostavlja tehničkom organizatoru, SS BiH izvještaj u roku od 72 sata,
- Predlaže Alpskoj komisiji, SS BiH poboljšanja u administrativnom području, u smislu izmjena Pravilnika takmičenja,
- Ovlašten je odlučivati o svim pitanjima koja nisu regulisana ovim Pravilnikom i Međunarodnim pravilima.
- Tehnički delegat ima odlučujući glas pri donošenju odluka.

### 2.3.2. Šef takmičenja

Šefa takmičenja imenuje tehnički organizator iz reda iskusnih lica, trenera, bivših takmičara koji ima sposobnosti da rukovodi takmičenjem i ostalim članovima Organizacionog odbora.

#### ➤ Dužnosti i prava Šefa takmičenja

- Rukovodi svim pripremama i nadgleda sve aktivnosti u tehničkom području
- Pomaže u izvršavanju administrativnih zadataka prilikom pripreme takmičenja,
- Prisutan je na stazi tokom svih treninga i trka,
- Sudjeluje u svim sastancima žirija i vođa ekipa,
- Usko saraduje sa članovima Organizacionog odbora,
- Usko saraduje sa vođama ekipa i trenerima,
- Zajedno sa ostalim članovima žirija rješava žalbe i proteste,

### 2.3.3. Glavni sudija

Glavnog sudiju imenuju TD i Šef takmičenja odgovorno na prvoj sjednici vođa ekipa iz reda iskusnih trenera ili prisutnih TD-a.

#### ➤ Dužnosti i prava Glavnog sudije

- Nadgleda žrijebanje
- Dužan je biti na stazi tokom održavanja takmičenja
- Dužan je poslije svakog teka napisati zapisnik (diskvalifikacije, ko nije startao, ko nije završio trku)
- Zajedno sa ostalim članovima žirija rješava žalbe i proteste,
- Ima pravo dati preporuke za eventualne izmjene na stazi (postavka staze)

## 2.4. Ostala službena lica

### 2.4.1. Šef staze

Šef staze je zadužen za pripremu staza u skladu sa uputama i odlukama žirija. Mora biti upoznat sa lokalnim snježnim uslovima i vremenskim prognozama. Dužan je da nadgleda i komunicira sa ekipom koja radi na stazi, da im obezbjedi sav potreban alat za postavku i porpavku staze.

### 2.4.2. Sudija na startu

- Sudija na startu mora biti prisutan na startu tokom ogleda staze i takmičenja
- Mora osigurati poštivanje propisa za start i organizaciju starta
- Utvrđuje moguća kašnjenja i pogrešan start takmičara
- Izvještava Glavnog sudiju o imenima takmičara koji nisu startali, članove žirija o nepravilnostima na startu i drugim povredama pravila,
- Dužan je osigurati da se rezervni startni brojevi nalaze na startu

### 2.4.3. Sudija na cilju

- Sudija na cilju mora biti prisutan u cilju tokom ogleda staze i takmičenja
- Mora osigurati poštivanje propisa vezano za organizaciju cilja, ulaska takmičara u cilj, te izlaska takmičara iz ciljnog prostora
- Nadzire i kontroliše mjerenje vremena, te nadgleda gledaoce u ciljnom prostoru

### 2.4.4. Šef sudija

- Šef sudija organizuje i nadgleda rad sudija na kapijama
- Određuje sudije na kojim će kapijama suditi
- Dužan je svakom sudiji pravovremeno dostaviti sudijski karton, olovku, startnu listu
- Dužan je osigurati da numerisanje i označavanje kapija bude izvršeno na vrijeme
- Na kraju prve vožnje i na kraju takmičenja kupi sudijske kartone i dostavlja ih Glavnom sudiji
- Dužan je ponuditi pomoć kako za zadržavanje gledaoca izvan terena, tako i za pomoć na održavanju terena

### 2.4.5. Šef mjerenja i obrade rezultata

- Odgovoran je za koordinaciju rada službenih osoba na startu i cilju

- U slalomu, on ili pomoćnik odlučuje o intervalu između starta
- Pod njegovim vodstvom su sljedeća službena lica:
  - Starter
  - Pomoćnik startera
  - Zapisničar starta
  - Glavni mjerilac vremena
  - Pomoćni mjerilac vremena
  - Kontrolor u cilju
  - Šef obračuna rezultata i njegov pomoćnik

#### 2.4.6. Sekretar takmičenja

- Odgovoran je za sav sekretarski posao u vezi sa tehničkim dijelom takmičenja,
- Dužan je pripremiti sjednicu vođa ekipa i izvršiti pripremu za izvlačenje startnih brojeva,
- Osigurava da službeni rezultati sadrže sve potrebne informacije,
- Osigurava da svi formulari za start, cilj, mjerenje vremena, obračun rezultata i suđenje na kapijama budu pripremljeni i pravovremeno dostavljeni odgovornim osobama,
- Može primiti službene žalbe i predaje ih onima koji su za to nadležni (Žiri)
- Pomaže pri obračunu rezultata, njihovom umnožavanju i objavljivanju

#### 2.4.7. Šef medicinskog osoblja i službe spašavanja

- Odgovoran je za organizovanje pružanja prve pomoći tokom takmičenja
- Provjerava da li su osigurani svi potrebni uslovi za pružanje prve pomoći povrijeđenom na licu mjesta te mogućnost daljnjeg transporta do bolnice ili druge medicinske ustanove
- Tokom takmičenja mora biti na radio vezi sa članovima spasilačke službe i žirijem

#### 2.4.8. Postavljači staze

- Postavljač staze se određuje na sastanku vođa ekipa iz reda iskusnijih trenera
- Postavljač mora imati odgovarajuće znanje i iskustvo o postavljanju staza, te poznavati pravila i izmjene pravila o postavljanju staza
- Za takmičenje koje se odvija u dvije vožnje, drugu vožnju postavlja drugi postavljač
- Po pravilu postavljač jedne i (jedne od dvije vožnje) je izabran ispred tehničkog organizatora, dok se drugi bira na sjednici vođa ekipa
- Tehnički delegat nadgleda postavljača staze
- Dužnost postavljača staze je ispravno postaviti stazu, poštujući teren, snježne uslove i sposobnosti takmičara koji učestvuju
- Postavljač staze treba prije samog postavljanja pregledati i upoznati se sa terenom
- Pri postavljanju staze postavljač mora imati u vidu i sigurnosne mjere
- Staza mora biti postavljena na vrijeme kako takmičari ne bi bili uznemirivani tokom ogleđa
- Postavljač staze mora prisustvovati svim sastancima vođa ekipa
- Postavljač staze može zahtijevati dovoljan broj pomagača pri postavljanju staze, tako da se on može usredotočiti samo na postavljanje.

#### 2.4.9. Predvozači

- Obaveza Tehničkog organizatora je da osigura najmanje tri predvozača
- Predvozači moraju nositi startne brojeve
- Predvozači moraju imati skijaške sposobnosti da provežu stazu na takmičarski način
- Predvozačima nije dozvoljeno da nastupe na takmičenju
- Vremena predvozača se ne smiju objavljivati
- Na zahtjev Žirija, predvozači će podnijeti izvještaj o snježnim uslovima, vidljivosti, liniji staze itd.



- Takmičari koji su nastupali na takmičenju a nisu završili prvu vožnju ili su bili diskvalifikovani, ne mogu biti predvozači u drugoj vožnji
- Predvozači u brzim disciplinama (Super G) isključivo moraju biti starosne dobi koja ima omogućuje nastup u toj disciplini.

## 2.5. *Troškovi organizacije*

Uslovi organizacije takmičenja kojih se mora pridržavati tehnički organizator propisani su ugovorom, koji se potpisuje sa SS BiH.

Troškove organizacije takmičenja snosi tehnički organizator.

Prikupljene startarine pripadaju tehničkom organizatoru.

SS BiH se obavezuje da će Tehničkom organizatoru Državnog prvenstva BiH obezbijediti pehare, medalje i diplome ili obezbijediti finansijska sredstva za iste.

Troškove dnevnica, smještaja i putne troškove za tehnička lica i osobe odgovorne za mjerenje vremena i obradu podataka snosi Tehnički organizator.

Troškove tehničkog delegata snosi Tehnički organizator prema cjenovniku SS BiH.

## 2.6. *Rokovi*

Na sastanku Alpske komisije, koji se treba održati u prvoj polovini 11. mjeseca tekuće godine, usvaja se Kalendar Takmičenja i predlažu promjene ovih Pravila u skladu sa najnovijim promjenama pravila FIS (ICR).

Rok za prijavu takmičenja za Kup BiH kao i za Državno prvenstvo je 15.10. tekuće godine.

Komisija za ski sudije mora na osnovu prijedloga klubova pripremiti i verifikovati popis sudija za sezonu do 30.11. tekuće godine.

Alpska komisija do 30.11. tekuće godine delegira tehničke delegate za svako pojedino takmičenje.

## 2.7. *Prijava takmičara i pravo nastupa*

Pravo nastupa na takmičenjima imaju svi članovi skijaških klubova registrovani u SS BiH, odnosno koji imaju takmičarsku knjižicu SS BiH i posjeduju kod. Nastup takmičara bez koda nije moguć.

SS BiH je dužan osigurati svim registrovanim takmičarima odgovarajuću takmičarsku knjižicu s kojom se potvrđuje registracija takmičara.

Na takmičenjima pravo nastupa mogu imati i članovi drugih klubova izvan BiH. Pripadaju im nagrade za plasman na takmičenju, ali se njihov rezultat ne boduje (niti pojedinačno niti klupski). Službeni rezultati uključuju sve takmičare, članove SS BiH kao i strane takmičare s tim da su posebno naznačeni plasmani članova SS-BiH kao i ukupni plasmani.

### 3. PRAVILA TAKMIČENJA

#### 3.1. *Raspis i prijava takmičara*

Tehnički organizator dužan je najkasnije 3 dana prije takmičenja poslati raspis Alpskoj komisiji, Tehničkom delegatu i svim klubovima. U slučaju odgođenih i premještenih takmičenja koja su odgođena unutar tri dana od dana održavanja takmičenja, Tehnički organizator je dužan poslati raspis u roku od 24 sata nakon obavještenja o premještanju takmičenja od strane SSBiH.

Raspis mora sadržavati sve potrebne podatke: naziv takmičenja, datum takmičenja, mjesto održavanja takmičenja, disciplina, pravo učešća, način i rok prijave (kontakt tel/fax, e-mail), vrijeme i mjesto održavanja prvog sastanka vođa ekipa i žrijebanja, iznos startarine, iznos kaucije, mogućnost prevoza ismještaja.

Klubovi moraju prijaviti svoje takmičare najkasnije 24 sata prije prvog sastanka vođa ekipa i žrijebanja. Prijava se mora dostaviti na zvaničnom formularu za prijavu SS BiH i mora sadržavati sve tražene podatke.

Takmičari koje je prijavio pojedini klub bit će žrijebani samo ako je prijava pristigla u roku koji je predvidio tehnički organizator i u pismenoj ili elektronskoj formi (iznimno se uz odobrenje žirija takmičenja može uvažiti izmjena prijave telefonom putem ovlaštenog predstavnika).

Eventualne zamjene prijavljenih takmičara moguće je izvršiti samo do zadnjeg roka za prijave prema raspisu za takmičenje.

Startarina za svako takmičenje propisuje SS BiH za takmičare koji imaju BiH KOD, a za takmičare koji posjeduju KOD druge države startarina iznosi 10 €.

Klub je dužan platiti startarinu za sve takmičare na startnoj listi. Takmičar za kojeg nije plaćena startarina nema pravo nastupa. Odobrava se skidanje takmičara sa startne liste samo u izuzetnim okolnostima (povreda, bolest).

#### 3.2. *Sastanci vođa ekipa*

Vrijeme i mjesto prvog sastanka vođa ekipa mora biti navedeno u raspisu takmičenja. Poziv za sve ostale sastanke istog takmičenja objavljuju se vođama ekipa na prvom sastanku.

Na prvom sastanku vođa ekipa bira se žiri takmičenja u skladu sa tačkom 2.1.3. ovog Pravilnika, vrši žrijebanje takmičara i izrađuje startna lista za prvu vožnju.

Na prvom sastanku vođa ekipa se određuju i postavljači staze. Mora se voditi računa da postavljač staze mora imati odgovarajuće znanje i iskustvo o postavljanju staze. Za takmičenja u dvije vožnje drugu vožnju postavlja drugi postavljač. Jednu od staza postavlja postavljač (trener) Tehničkog organizatora ukoliko na sastanku vođa ekipa nije drugačije dogovoreno.

Vođe ekipa i treneri moraju poštovati ova pravila, FIS Međunarodna pravila za skijaška takmičenja i odluke žirija, te se korektno i sportski ponašati.

U slučaju spriječenosti vođa ekipe ili trenera iz određenog kluba, svaki klub je dužan da ovlasti određenog vođu ekipe/trenera drugog kluba, koji bi zastupao klub na prvom sastanku vođa ekipa. Kod donošenja odluka na sastancima vođa ekipa nije dozvoljena zamjena predstavnika jednog kluba predstavnikom drugog kluba.

U slučaju neprisustvovanja prvom sastanku vođa ekipa, vođe ili treneri ekipa nemaju pravo primjedbi na startnu listu, postavljače i sl. Neprisustvovanje sastanku vođa timova nije dozvoljeno. Ukoliko je

predstavnik kluba spriječen da prisustvuje sastanku vođa timova o tome mora obavjestiti tehničkog organizatora.

Na prvom sastanku vođa ekipa predstavnici klubova moraju dobiti informacije o svim pojedinostima takmičenja (podizanje brojeva, vremenski uslovi, vrijeme oglada i starta, te ostale potrebne informacije).

### **3.3. *Žrijebanje i redoslijed starta takmičara***

SS BiH dostavlja revidiranu rang listu takmičara najkasnije 48 sati prije prvog sastanka vođa ekipa. Redoslijed starta utvrđuje se žrijebanjem na sastancima vođa ekipa. Žrijebanje se može odvijati na tablama za žrijebanje ili kompjuterski koje žiri takmičenja, treneri i vođe ekipa mogu prekontrolisati prije početka žrijebanja.

Žrijeba se 10 prvoplasiranih iz kategorije prema aktuелnoj rang listi SS BiH, s tim da ukoliko u kategoriji nema dovoljan broj takmičara može se žrijebati i 5 prvoplasiranih. Na svim takmičenjima prvo startaju takmičarke pa onda takmičari.

Na prva dva takmičenja žrijebanje se vrši prema rang listi iz prethodne sezone. Za ostala takmičenja važi trenutna rang lista.

Redoslijed starta takmičara u drugoj vožnji određuje se na osnovu rezultata iz prve vožnje, tako što 10 prvoplasiranih u muškoj i 5 prvoplasiranih u ženskoj kategoriji starta obrnutim redoslijedom.

### **3.4. *Mjerenje vremena***

Mjerenje vremena takmičara se mora mjeriti najmanje jednim FIS homologiranim elektronskim mjerenjem i ručnim mjerenjem (uparenim štopericama) prema apsolutnom (dnevnom) vremenu.

Prilikom organizacije takmičenja je obavezno pridržavati se FIS pravila, zbog ispunjenja uslova za regularnost takmičenja (FIS Timing – booklet Alpine Skiing).

### **3.5. *Obrada rezultata***

Startne liste i rezultati takmičenja moraju se kompjuterski obrađivati. Nezvanični rezultati moraju biti saopšteni vođama i trenerima ekipa najkasnije 1 sat po prolasku zadnjeg takmičara kroz cilj. Zvanični rezultati se šalju SS BiH najkasnije 48 sati nakon takmičenja u elektronskoj formi. Zvanični rezultati moraju sadržavati:

- Listu svih prijavljenih takmičara,
- Startne liste svih vožnji,
- Rezultate po kategorijama sa vremenima svih pojedinačnih vožnji,
- Listu diskvalifikovanih takmičara i takmičara koji nisu startali,
- Ostale detalje o održanom takmičenju.

Sve liste moraju sadržavati BiH kodove svih takmičara.

### **3.6. *Bodovanje takmičara***

Bodovanje takmičara vrši SS BiH nakon prijema zvaničnih rezultata prema pravilima za bodovanje u prilogu A.

### **3.7. *Protesti***

Protest ulaže vođa ili trener ekipe žiriju u ciljnom prostoru u roku od 15 minuta od proglašenja nezvaničnih rezultata i diskvalifikacije takmičara. Protest se ulaže uz uplatu od 50 KM u pisanoj formi. U slučaju uvažavanja protesta novac se vraća, a žiri je dužan da ispravi propust prije izlaska zvaničnih rezultata. U slučaju negativnog odgovora na protest novac zadržava tehnički organizator.

### **3.8. Nagrade i priznanja**

Tehnički organizator je dužan osigurati nagrade i priznanja za pojedinačna takmičenja KUP-a BiH, osim za Državno prvenstvo Bosne i Hercegovine.

Tri najbolje plasirana takmičara u svakoj kategoriji pojedinačnog takmičenja KUP-a BiH dobivaju medalje, a po odluci Tehničkog organizatora mogu dobiti druge nagrade (pehare, druge nagrade). Takmičarima nije dozvoljeno davanje novčanih nagrada

Pet najbolje plasiranih takmičara u svim kategorijama dobivaju diplome.

Na Državnom prvenstvu Bosne i Hercegovine tri prvoplasirana takmičara dobivaju pehare.

Na proglašenju ukupnog plasmana pobjednika u KUP-u BiH u sezoni tri prvoplasirana kluba i takmičara po kategorijama dobivaju pehare.

SS BiH je dužan osigurati pehare ili finansijska sredstva za Državno prvenstvo BiH u pojedinačnoj konkurenciji za proglašenje ukupnog poretka u KUP-u BiH.

### **3.9. Proglašenje rezultata i pobjednika**

Tehnički organizator (odgovorna osoba za mjerenje i obradu podataka) je dužan u sekretarijatu osigurati službene rezultate najkasnije 15 minuta po isteku vremena za žalbe.

Tehnički organizator je dužan najkasnije 30 minuta po prijemu službenih rezultata obaviti proglašenje pobjednika uz dostojnu ceremoniju.

Tehnički organizator je dužan osigurati uređen prostor u kojem je obavezno održati proglašenje pobjednika.

Takmičarima koji neopravdano izostanu sa svečanosti proglašenja, neće naknadno biti uručena nagrada. Oni gube pravo na nagradu. U iznimnim slučajevima, takmičara može zastupati drugi član ekipe, s tim da on ne smije zauzeti njegovo mjesto na pobjedničkom postolju.

### **3.10. Protesti, diskvalifikacije i žalbe**

Protesti se ulažu u skladu sa FIS Međunarodnim pravilima (ICR) i predaju se Tehničkom delegatu. Uz protest se prilaže 50 KM, koji se iznos vraća ukoliko je protest usvojen. Ukoliko se protest odbija sredstva ostaju Tehničkom organizatoru takmičenja. Sam protest kao i zapisnik sa sastanka moraju biti provedene u skladu sa procedurom na pripadajućim obrascima.

Žiri je jedini mjerodavan tumačiti pravila propozicija i rješavati proteste na Takmičenjima. Tehnički delegat je dužan uz izvještaj predati Alpskoj komisiji pismene proteste sa obrazloženjem rješenja protesta.

Žalbe na odluku žirija i regularnost takmičenja Bosne i Hercegovine podnose se Alpskoj komisiji. Žalbe na odluke Alpske komisije se upućuju Upravnom odboru SS BiH. Žalbe na odluke Upravnog odbora SS BiH podnose se Sudu časti, a žalbe na odluke Suda časti podnose se Arbitraži Olimpijskog Komiteta Bosne i Hercegovine čija odluka je konačna.

### 3.11. Kategorije

SEZONA 2017/2018		SEZONA 2018/2019	
Kategorija	Godište	Kategorija	Godište
U 8	2011 2010	U8	2012 2011
U 10	2009 2008	U 10	2010 2009
U 12	2007 2006	U 12	2008 2007
U 14	2005 2004	U 14	2006 2005
U 16	2003 2002	U 16	2004 2003

### 3.12. Takmičarska oprema

Takmičari i predvozači moraju nositi kacige koje su u skladu sa FIS specifikacijom za takmičarsku opremu na svim takmičenjima u organizaciji SS BiH.

Za sve kategorija oprema takmičara mora zadovoljavati pravila FIS: Prilog B.

Preporučuje se upotreba štitnika za leđa za sve kategorije.

Mlađoj i starijoj djeci je dozvoljena upotreba VSL skija na trkama Super G na vlastitu odgovornost.

Na svim službenim takmičenjima i treninzima nije dozvoljena upotreba skija bez štopera.

### 3.13. Homologacija staza

Staze na kojima se održavaju takmičenja za BiH Kup moraju imati ili FIS homologaciju ili BiH homologaciju.

Podnošenje zahtjeva za homologaciju:

- Zahtjev za homologiranje staze se podnosi SS BiH preko kluba ili entitetskog saveza.
- Zahtjev mora biti popraćen sa dokumentacijom propisanom od strane FIS.

## 4. POSEBNA PRAVILA ZA SLALOM

Tehnički podaci slalom staze za djecu:

A. Visinska razlika:


- U: 12: maksimum 120 m / minimum 80 m
- U 14: maksimum 160 m / minimum 100 m
- U16: maksimum 160 m / minimum 100 m

B. Vrata:

- slalomski vrata se sastoje od dva slalomski kolca,
- slalom za kategoriju U12 postavljaju se stubbi kolcima - minicima
- ukoliko je potrebno označava se položaj kolaca,
- vrata u slalomu moraju biti numerisana (označena) od starta prema cilju,
- uzastopna vrata se moraju smjenjivati po boji (crvena i plava),
- vrata moraju biti najmanje 4 m, a najviše 6 m široka,
- razmak između dvoje vrata u sklopu male vende (Hairpin) i velike vende (vertikalne kombinacije), ne smije biti manji od 0.75 m niti veći od 1m,
- kod okomitih kombinacija (mala i velika venda), vrata moraju biti u jednoj liniji,
- udaljenost od okretnog kolca do okretnog kolca, otvorenih ili okomitih vrata smije biti manja od 7m niti veća od 11 m
- razmak između dvoje okretnih vrata u luku iznosi najmanje 12 m, a najviše 15 m;
- Broj promjena smjera za kategorije mlađa i starija djeca iznosi: 32% - 38% od visinske razlike umetrima, +/- 3 promjene pravca.

C. Izvođenje slaloma:

- slalom se uvijek vozi u dvije vožnje na dvije različite staze,
- voze se obje staze, jedna nakon druge, u redoslijedu koji odredi žiri,
- nije dopuštena podjela takmičara u dvije skupine koje bi istovremeno startale na obje staze,
- kad god je to moguće, obje vožnje treba održati isti dan



#### 4.1. POSEBNA PRAVILA ZA SLALOM OKO JEDNOG KOLCA

Za održavanje takmičenja slalom oko jednog kolca primjenjuju se sva pravila za slalom, osim sljedećeg:

Takmičenja u slalomu se mogu održavati sa jednim kolcem (single poles slalom) na način da vrata u stazi mogu imati samo jedan i to zavojni kolac, osim kod prvih i posljednjih vrata u stazi, vertikalnih kombinacija, lukova (Delayed gate) i ukosnica (hairpin) gdje su obavezna dva kolca.

Sva vrata koja nemaju vanjski kolac moraju se proći tako da vrhovi obje skijeprodu sa iste strane prateći prirodan smjer kretanja kroz stazu. Prirodni smjerkretanja kroz stazu je imaginarna linija od zaokretnog do zaokretnog kolca kojomtakmičar mora proći. Ukoliko takmičar nije pravilno prošao prirodnim smjeromkretanja, mora se popeti do promašenog kolca i zaobići oko njega.

#### 4.2. POSEBNA PRAVILA ZA SLALOM SA STUBBIE KOLCIMA

Takmičenja u slalomu za kategorije U12 odvijaju se isključivo uz upotrebu niskih gumenih kolaca (stubbie), koji se postavljaju kao okretni kolci a za vanjske kolce mogu se upotrijebiti fiksni (bez zgloba) kolci aliistovjetne visine kao i zavojni kolci. Kod vertikalnih kombinacija isključivo se postavljaju pregibniili zglobni kolci(stubbie).

Takmičari mogu birati da li će nastupiti na SL ili VSL skijama uz upotrebu zaštitne opreme propisane za slalom takmičenja.

- Propisana visinska razlika je od 80 m – 120 m
- Broj zavoja odnosno promjena pravcaiznosi 32% - 38% +/- 3 na visinsku razliku.
- Razmaci između zavoja odnosno zavojnih kolaca mogu biti od 6 m – 10 m,
- Dozvoljene su max. dvije (tri) jednostavne vertikalne kombinacije.

Takmičenje se odvija u dvije vožnje po ovdje navedenim pravilima a sve što nije navedeno u ovim pravilima primjenjuju se pravila za slalom.

### 5. POSEBNA PRAVILA ZA VELESLALOM

Tehnički podaci veleslalom staze za djecu:

#### A. Visinska razlika:

- U 10 i U 12 min. 130 m / max. 200 m,
- U 14 i U 16: min. 200 m / max. 350 m

#### B. Vrata:

- veleslalom vrata se sastoje od 4 slalomski kolca i dvije zastavice,
- vrata moraju biti naizmjenice crvena i plava.
- Zastavice na vratima morajubiti barem oko 75 cm široke i oko 50 cm visoke. One su pričvršćene između kolaca, tako da je niži rub zastavice barem oko 1 m iznad snijega, te se mora moćiistrgnuti odnosno poderati,
- vrata moraju biti široka najmanje 4 m, a najviše 8 m široka,
- udaljenost između najbližih kolaca dvoje uzastopnih vrata ne smije biti manja od 10m, i veća od 27m.
- kod postavljanja staze za cicibane nije dozvoljena primjena tzv. Luka /Banane (Delayed gate – zakašnjela vrata).

#### C. Opće karakteristike staze:

- teren mora biti valovit ako je moguće,
- dijelovi staze na kojima su vrata i gdje takmičari mijenjaju pravac moraju biti pripremljeni kao u slalomu,



D. Postavljanje staze za djecu i cicibane:

- Djeca 13–18% visinske razlike u metrima = broj promjena pravca zaokružen na cijeli broj,
- Cicibani 14–18% visinske razlike u metrima = broj promjenapravca zaokružen na cijeli broj,
- obje vožnje mogu biti postavljene na istoj stazi ali druga vožnja mora biti drugačije postavljena,
- veleslalom se sastoji od različitih dugih, srednjih i kratkih okreta,
- takmičar bi trebao imati slobodu u izboru svoje najbolje linije između vrata. Puna širina staze treba biti korištena gdje god je to moguće,
- postavljač staze pri postavljanju staze za djecu mora imati u vidu fizičke sposobnosti takmičara.

## 5.1. POSEBNA PRAVILA ZA VELESLALOM OKO JEDNOG KOLCA

Za održavanje takmičenja veleslaloma oko jednog kolca se primjenjuju sva pravila zaveleslalom osim sljedećeg:

Takmičenja u veleslalomu se mogu održavati sa jednim kolcem (single gate slalom) na način da vrata u stazi mogu imati samo jedan i to zavojnikolac, osim kod prvih i posljednjih vrata u stazii lukova (Delayed gate) gdje su obavezna dva kolca.

Sva vrata koja nemaju vanjski kolac moraju se proći tako da vrhovi obje skijeprođu sa iste strane prateći prirodan smjer kretanja kroz stazu. Prirodni smjerkretanja kroz stazu je imaginarna linija od zaokretnog do zaokretnog kolca kojom takmičar mora proći. Tamo gdje postoji vanjski kolac (prva i posljednja vrata i luk) takmičar mora proći kroz vrata prema pravilu pravilnog prolaska kroz vrata.

Sva pravila vezana uz širinu terena se moraju poštivati kao da postoje imaginarni vanjski kolci.

## 6. POSEBNA PRAVILA ZA SUPER VELESLALOM

Tehnički podaci super veleslalom staze za djecu:

A. Visinska razlika:

- U 14: minimalno 250 m, maksimalno 450 m,
- U 16: minimalno 250 m, maksimalno 450 m.

B. Dužina staze:

- dužina staze mora se izmjeriti sa mjernom trakom (metrom) ili obručem za mjerenje i mora biti objavljena u startnoj i rezultatskoj listi.

C. Vrata:

- super veleslalom vrata sastoje se od četirislalomskih kolca i dvije zastavice,
- vrata moraju biti naizmjenice crvena i plava. Zastavice na vratima moraju biti barem oko 75 cm široke i oko 50 cm visoke. One su pričvršćene između kolca, tako da je niži rub zastavice barem oko 1 m iznadnijega, te se mora moći istrgnuti i ipoderati,
- vrata moraju biti široka najmanje 6 m, a najviše 8 m kod tzv. otvorenih vrata, i najmanje 8 m, a najviše 12 m kod okomitih vrata.

D. Opće karakteristike staze:

- teren mora biti valovit ako je moguće,
- staza mora biti pripremljena kao za spust.

E. Postavljanje staze za djecu:

- broj promjena pravca = min 8% / max. 12% od visinske razlike,
- preporučuje se postavljanje vrata koje omogućava najbolje korištenje terena,
- razmak između vrata oko kojih se okreće može biti manji od 25m, ali ne manji od 15 m, tj. prilagođen za mlađu i stariju kategoriju djece,

- super veleslalom mora sadržavati raznovrsne duge i srednje okrete,
- Takmičar mora biti apsolutno slobodan da odabere svoju liniju između vrata.
- Nije dozvoljeno postavljanje vrata samo niz liniju padine,
- gdje teren to dozvoljava moraju biti postavljeni skokovi a obavezan je najmanje jedan skok na stazi,
- dječiji super veleslalom treba da se postavi u formi koja varira. Osnovna forma treba da se sastoji od skokova i elemenata klizanja (glajta)
- Izbor staze i postavke vrata treba da prati brzinu za nivo dječijeg skijanja.
- Okreti trebaju biti radijusa kao i u veleslalomu. Djeca se trebaju priviknutina jednu kontroliranu brzinu i usavršiti sposobnost klizanja (glajtanja).

## 7. POSEBNA PRAVILA ZA KOMBINIRANA TAKMIČENJA

Kombinirana takmičenja za djecu su međunarodno priznata disciplina koja se sastoji od okreta i prolaza kroz vrata različitih disciplina alpskog skijanja.

Vrsta kombiniranog takmičenja mora se odrediti i objaviti unaprijed u raspisu te ponovo na prvoj sjednici vođa ekipa radi odabira opreme.

Pobjednik može biti proglašen na osnovu zbira vremena dvije vožnje ili se svakavožnja može proglasiti zasebno. Organizacijski odbor mora ukazatina način obračunaunaprijed.

### A. Postavljanje staze:

- postavljač staze i žiri su dužni postaviti zanimljivu ali sigurnu stazu,
- brzina takmičara mora biti kontrolirana kod prelaza iz pojedinih dionicaa postavka bi trebala omogućavati gladak prelaz između skokova, valova i grba te staze.

### B. Staza se može postaviti na 2 različita načina:

- SL/VSL (Tehnička orijentacija) oblik se postavlja sa kratkim kolcima(stubbies), SL i VSL vratima,
- VSL/SG (Brza orijentacija) oblik se postavlja sa VSL i SG vratima ili posebnim oznakama kao što su npr. smrekove grančice te posebne podneoznake bojom.

### ➤ SL/VSL kombinirano takmičenje:

- preporučuje se nastup na SL skijama,
- staza mora biti homologirana za VSL i imati visinsku razliku između 140 mi 200 m.

### a) Vrata:

- vrata se sastoje od dva iličetiri kolca. Vanjski dio vrata moraju bitiistogtipa kao i okretni dio (stubbie sa stubbie, SL vrata sa SL vratima i VSL saVSL vratima),
- vrata se moraju naizmjenično mijenjati, crvena i plava kroz cijelu stazu,
- SL vrata moraju biti najmanje 4 m a maksimum 6 m široka,
- VSL vrata moraju biti najmanje 4 m a maksimum 8 m široka,
- minimalni razmak u SL između dvoje okretnih vrata je 6 m, a u vertikali od 0,75 m do 1,00 m,
- maksimalni razmak u SL između dvoje okretnih vrata je 12 m(preporuka 10 m),
- minimalni razmak u VSL između dvoje okretnih vrata je 10 m,
- maksimalni razmak u VSL između dvoje okretnih vrata je 20 m.

### b) Postavljanje staze:

- minimum 30 promjena smjera,
- preporuka 5 različitih sekcija,
- preporuka upotreba SL skija,
- staza bi trebala testirati sposobnost takmičara da se prilagodi promjeni ritma i radijusa zavoja istodobno omogućavajući gladak (smooth) prelaz iz sekcije u sekciju,

- nadogradnja terena, staze, je moguća ali nije obavezna pošto bi samastaza trebala biti dovoljno zahtjevna. Preporučuje se razvijanje kreativnosti u okviru raspoloživog terena,
  - potrebno je izbjegavati postavljanje vrata koja uzrokuju trenutni prekid ili aritmično usporavanje,
  - kod postavke staze potrebno je koristiti cijeli nagib i prirodan teren te svenagibe koliko je to moguće,
  - preporučuje se korištenje samo jednog kolca za okomite kombinacije,
  - prva i zadnja vrata trebaju omogućiti optimalan prolaz,
  - barem jedna sekcija mora biti sa kratkim (stubbie) kolcima,
  - predvozači i test vozači moraju biti na raspolaganju kod postavljanja staze.
- VSL / SG kombinirano takmičenje:
- preporučuje se nastup na VSL skijama,
  - staza mora biti homologirana za VSL i imati visinsku razliku maksimalno 250 m.
- a) Vrata:
- vrata se sastoje od četiri kolca,
  - vanjska vrata moraju biti istog tipa kao i okretna,
  - vrata se moraju naizmjenično mijenjati, crvena i plava kroz cijelu stazu,
  - VSL vrata moraju biti najmanje 4 m a maksimum 8 m široka,
  - SG vrata moraju biti najmanje 6 m a maksimum 8 m široka,
  - razmak u VSL između dvoje okretnih vrata je minimalno 10 m i maksimalno 20 m,
  - razmak u SG između dvoje okretnih vrata je minimalno 15 m i maksimalno 28 m.
- b) Postavljanje staze:
- broj promjena pravca jednak je 12 – 18 % od visinske razlike,
  - preporuka: 3-5 različitih sekcija te uporaba VSL skija,
  - staza bi trebala testirati sposobnost takmičara da se prilagodi promjeni ritma i radijusa zavoja te mu istodobno mora omogućiti gladak (smooth) prelaz iz sekcije u sekciju,
  - nadogradnja terena, staze, je dozvoljena ukoliko omogućava gladak (smooth) prolaz,
  - potrebno je napraviti barem jedan skok,
  - mora se izbjegavati postavljanje vrata koja uzrokuju trenutni prekid ili aritmično usporavanje,
  - prva i zadnja vrata trebaju omogućiti optimalan prolaz,
  - predvozači i test vozači moraju biti na raspolaganju kod postavljanja staze.
- c) Ogled staze:
- ogled staze se mora održati prije svakog starta u određenom vremenu predviđenom za ogled i na način koji odredi žiri takmičenja
- d) Broj vožnji:
- na prvoj sjednici vođa ekipa ovisno o vremenskim i uslovima na stazi odlučuje se daliće se takmičenje održati u jednoj ili dvije vožnje. Preporučuje se da se do 140 prijavljenih takmičara održe dvije vožnje dok preko 140 prijavljenih takmičara bi se trebala održati samo jedna vožnja.
  - takmičenje se odvija prema gore navedenim pravilima a za sve što nije navedeno primjenjuju se pravila za svaku pojedinu disciplinu.
- e) Sudije:
- za kratke (stubbie) kolce preporuka je imati jednog sudiju za dvoje vrata,
  - preporuka je označiti plavom bojom liniju između vrata radi lakšeg okretanja jahanja kolaca.

## **8. ISPRAVAN PROLAZ KROZ VRATA (OBJAŠNJENJE)**

Takmičar je ispravno prošao kroz vrata kada njegove skije odnosno oba vrha skija i oba stopala pređu liniju vrata. Ako takmičar izgubi skiju, a nije napravio grešku, npr. nije „zajahao“ vrata, tada vrh skije koja nije otpala i oba stopala moraju preći liniju vrata.

Ovo pravilo isto tako vrijedi kada se takmičar mora vraćati odnosno ponovopopeti nazad do vrata koja je promašio.

## **9. DOPUNSKE ODREDBE**

Za sve slučajeve i pitanja koja nisu objašnjena ovim Pravilnikom važe ICR Pravila Međunarodne skijaške federacije.

Ovim Pravilnikom nisu uređena pitanja kategorija Juniora i Seniora, jer SS BiH za njih ne organizuje posebna takmičenja i oni se ne boduju za BiH bodove.

Juniori i Seniori nastupaju na FIS trkama prema čijem sistemu se i boduju.

## **10. ZAVRŠNE ODREDBE**

Prijedlog za izmjene ovog Pravilnika se mogu dostaviti SS BiH do 15.06. naredne godine.

Izmjene usvaja Alpska komisija a verifikuje Upravni odbor SS BiH.

## PRILOG A

### PRAVILA BODOVANJA ZA BIH BODOVE

Takmičenja u KUP-u BiH se boduju po plasmanu pojedinaca, a na kraju Kupa se proglašavaju najbolje plasirani pojedinci, odnosno proglašavaju se plasmani klubova.

Takmičari mogu sakupljati bodove samo na takmičenjima koja su registrovana u kalendaru SS BiH.

Bodovanje za pojedinačni plasman vrši se u zavisnosti od kategorija i to po sljedećem:

U10 15 PRVOPLASIRANIH  
U12 15 PRVOPLASIRANIH  
U 14 15 PRVOPLASIRANIH

Prvi	- 50 BOD	Sedmi	- 9 BOD	Trinaesti	- 3 BOD
Drugi	- 35 BOD	Osmi	- 8 BOD	Četnaesti	- 2 BOD
Treći	- 25 BOD	Deveti	- 7 BOD	Petnaesti	- 1 BOD
Četvrti	- 15 BOD	Deseti	- 6 BOD		
Peti	- 12 BOD	Jedanaesti	- 5 BOD		
Šesti	- 10 BOD	Dvanaesti	- 4 BOD		

U 16 10 PRVOPLASIRANIH

Prvi	- 50 BOD	Šesti	- 8 BOD
Drugi	- 35 BOD	Sedmi	- 6 BOD
Treći	- 25 BOD	Osmi	- 4 BOD
Četvrti	- 15 BOD	Deveti	- 2 BOD
Peti	- 10 BOD	Deseti	- 1 BOD

Kategorija U 8 se ne boduje.

U slučaju odsustva Dječije reprezentacije zbog nastupa izvan zemlje onda se u kategoriji U 14 (M+Ž) boduje prvih desetoplasiranih, a u kategoriji U 16 (M+Ž) prvih petoplasiranih, tako da pobjednik dobija 25 bodova, a ostali po prethodnoj tabeli (2 – 15, 3 – 12, 4 – 10, ....., 10 – 4). Članovi reprezentacije dobijaju po 15 bodova.

Za ukupan klubski plasman zbrajaju se bodovi svih takmičara pojedinog kluba sa svih takmičenja.

Dječije FIS trke u BiH se boduju kao i trke iz KUP-a BiH.

Bodovne liste se revidiraju nakon svakog održanog takmičenja.

Klasifikacija za izvlačenje startnih brojeva u sljedećoj sezoni ostaju ista za prva dva takmičara, a nakon toga se koriste bodovi osvojeni u tekućoj sezoni.

Lista se objavljuje na web stranici SS BiH.

U slučaju povrede takmičara, isti se neće bodovati na propuštenim trkama, ali će mu se do kraja sezone obezbijediti žrijebanje u grupi u kojoj se nalazio do trenutka povrede.

## PRILOG B

### TABELA KONTROLE OPREME, PRAVILA I PREPORUKA

DISCIPLINE	OPIS	KATEGORIJE		
		U 16 (M+Ž)	U 14 (M+Ž)	U10 i U12
SUPER G	Visinska razlika	250 - 450	250 – 450	X
	Broj promjena pravca	8% - 12%	8% - 12%	X
	Zastavice	0,75 x 0,50	0,75 x 0,50	X
	Radijus skija	30 m	X *	X
	Min. dužina skija (+/- cm)	183 cm	X **	X
	Max. debljina skija, ploča i vezova	50 mm	50 mm	X
	Max. visina đona skijaških cipela	65 mm	65 mm	X
VELESLALOM	Visinska razlika	200 - 350	200 – 350	130 – 200
	Broj promjena pravca	13% - 18%	13% - 18%	14% - 18%
	Razmak između vrata	Max. 27 m	Max. 27 m	Max. 25 m
	Zastavice	0,75 x 0,50	0,75 x 0,50	0,75 x 0,50
	Radijus skija	17 m	17 m	X
	Max. dužina skija (+/- cm)	188 cm	188 cm	Min.dužina 130 cm
	Max. debljina skija, ploča i vezova	50 mm	50 mm	50 mm
Max. visina đona skijaških cipela	65 mm	65 mm	65 mm	
SLALOM	Visinska razlika	100 - 160	100 – 160	80 – 120 (Stubby)
	Broj promjena pravca	32% - 38% (+/- 3)	32% - 38% (+/- 3)	32% - 38% (+/- 3)
	Razmak između vrata	Max. 11 m (luk min. 12m – max. 15m)	Max. 11 m (luk min. 12m – max. 15m)	Max. 10 m
	Zastavice	X	X	X
	Min. radijus skija	X	X	X
	Min. dužina skija (+/- cm)	130 cm	130 cm	X
	Max. debljina skija, ploča i vezova	50 mm	50 mm	50 mm
	Max. visina đona skijaških cipela	43 mm	43 mm	43 mm
KOMBI SL/VSL	Visinska razlika	X	X	140 – 200
	Broj promjena pravca	X	X	30 min.
	Broj sekcija (izmjena disciplina)	X	X	5 min.
	Zastavice	X	X	0,75 x 0,50
	Min. radijus skija	X	X	X
	Min. dužina skija (+/- cm)	X	X	X
	Max. debljina skija, ploča i vezova	X	X	50 mm
	Max. visina đona skijaških cipela	X	X	43 M

\*preporuka 30 m

\*\* preporuka 175 cm